

花國百美圖



戊午百花生日

花國百美圖

天台山麓題



序

記侍兒小名之錄。風信知年。聞懊儂子夜之歌。雪膚奪豔。則嘗香。霏湘管彩。擷銀屏。碧月一丸。餘霞成綺。珊珊環佩。羌入畫以來。遲楚楚芳馨。亦隱囊而不見。求其華髮巧笑。不隔人天。翡翠雙翹。宛然耳目。夔乎尙矣。子子難之。海上百美圖者。生生公司之新出產品也。聚美人於一室。播艷事於千秋。有影皆妍。無香不韻。苗條瘦削。拖八幅之羅裙。倜儻風流。試七襄而織錦。或則倚欄慵睇。泣紅露於清秋。或則對鏡端相。昵綠雲而委地。酡顏欲語。知中酒之難勝。款步將停。奈纖腰之未束。花枝低亞。黛暈輕描。任是不思。可能平視。僕也。江關庾信。撫短鬢。以如霜。海上成連。愴流年之似水。身無姬侍。偶拊陶令之閑情。性好滑稽。竊比樊山爲同調。拈看花之老眼。有淚難揮。題折柳之新詩。按歌入拍。喚眞眞於畫裏。薌溢羅襦。識素素於鏡中。神傳粉本。倘徵題跋。知張丹翁必不讓人。永泐丹青。笑沈泊塵亦當許我。

民國七年四月三日莊秋水序於蒙廬

序

嗟乎美人顏色名士文章爲天地間之至寶黃金百鎰白璧十雙所買不到者也若美人之顏色藉名士文章點綴之則其顏色愈覺倩麗名士之文章得美人顏色煊染之則其文章更見俊逸海上新世界游藝場美人名士萃集處也丁巳殘臘報社主政鄭子藥風慨若夢浮生宜及時行樂創議羣花雅會助其成者余譜兄弟奚君燕子張君么鳳事後選美人顏色大觀索名士文章小傳落雁驚鴻鷓鴣野鶴美人與名士同傳矣戊午花朝將刊板行世燕子么鳳督序於飯牛牛蠡材也安敢以郢中下里之燕詞着糞於好鳥好花頭上哉再辭不獲三辭不許眞如晏仲殊莫可奈何祇堪以嘻皮老臉頽唐老筆斗膽應命板橋翁語云有些好處大家看看苟無好處覆盆寒甕而已何足謂序餘姚臧牧飯牛

序

人生於世數十寒暑一轉瞬間垂垂老矣豈不蒼蒼茫茫哉既不甘脅肩諂笑得寸謀尺與
袞袞諸公爭一席之短長復不能上馬殺賊下馬草露布攬轡澄清以奠定安危則大都婦
人醇酒自戕其身然而天既生其身復賦稟其靈秀不能造福蒼生名留青簡則當有一藝
見長一事足述否則粉紅黛綠之間消磨此無窮壯志毋乃暴棄太甚乎鄭子正秋奚子燕
子孫子雪泥咸爲當世知名之士燕子雪泥之詩書畫三絕固已馳譽文壇鄭則首先振興
社會教育尤爲我所傾倒丁巳冬日三子忽有花國選舉之組竊思海上自伯元跼人相
繼謝世花事闌珊極矣雖有自命護花使者憐香惜玉殊不知虛聲純盜要皆藉是以沽名
射利則有之求其眞能作花鈴十萬者鮮矣今三子既爲花事中興主宰具澹心之雅洗眉
公之習從此伯元跼人不能專美於前矣然而三子樂爲此耶余敢斷言曰不樂也蓋亦醇
酒婦人之變相而不同於流俗者嗚呼世有賞音當不以余言爲妄花選既竣同人以如此
韵事不可無鴻雪之誌爲請於是三子始有花國百美圖之輯畫中愛寵呼之欲出且各系
以小傳尤覺眉目清晰梓行之日爰書數語於簡端戊午春日南沙姚民哀序於海上之筇

聲琴韻樓。

花國百美圖序



序

(聞野鶴)

在昔烟花有錄。妝樓作記。繪瓊月於簾衣。狀鸞痕於紙背。刻金點翠。千古流馨。然壁上眞眞呼之未活。當年有有。不解脫簪後之人。臨楮低徊。見乎烟墨。不言風流永逝。簫聲珮韻。懷諸冥天而已。世序旣更能事。益備正秋燕子。雪泥諸子。爰有百美圖之作。坐千花於一室。擁萬玉而鏘鳴紅桃。始華方其顏色。秋蘭作佩。約以梨雲。抱月飄烟。香腰一尺。倚風含雪。葩發千春。荷衣蕙帶。三湘之往。夢明珠。魁服漢皋之昔。逢蓋集別館之新。粃溫驚鴻之倩影。摹痕寫色。總爲斯編。况復碧城仙樂。播於詩歌。蘭紙香螺。傳其往韻。崔涯好事。能操池嶺之評。小杜傷春。無奈揚州之句。琳琅若玉。彰飾並彰。黛影墨華。衣豔相映。已僕羈屑。依逶遠懷。時結征塵。歷亂殘錦。盡還旣荷。嘉命庸綴弁辭。夏蟲振言一笑而已。華亭聞宥序於滬上。

花國百美圖題詞

集古人句

(桐花)

鸞翔鳳舞下瑤墀。(黃理詠凝香兒)玉頰紅添絕世姿。(顏鑑塘詠鄧夫人)圖畫若留眞面目。(朱洪寅詠王昭君)靈犀脈脈感桐絲。(何煒詠卓文君)

紅袖燈前送酒籌。(周澍詠賈愛卿)笙歌剛到采蓮舟。(袁枚詠西施)他時一枕紅蕖淚。

(黃理詠徐月英)就在圖中一點愁。(顏鑑塘詠潘夫人)

第一名姝不自奇。(羅青植詠紫雲)無端斂翠作愁眉。(江干詠孫壽)錦衣義士空行賞。

(朱蟬仙詠西施)祇有春來舊燕知。(邵飄詠關盼盼)

若箇聰明似女兒。(袁枚詠上官昭容)住從瑤瑟網珠絲。(邵無恙詠關盼盼)身名不愛詩。

名愛。(靳光宸詠朱淑眞)讚佛花宮玉漏遲。(黃理詠凝香兒)

菱花奩啓曉粧時。(周澍詠吳絳仙)兒女深心那易知。(江干詠孫壽)咳唾珠璣曳七字。

(朱洪寅詠葉小鸞)簪花人作大宗師。(袁枚詠上官昭容)

餞別潯陽酒一尊。(朱秀岩詠樊素)無人庭戶又黃昏。(黃良男詠班婕妤)君王不但憐顏色。

(顏鑑塘詠袁大捨)月府歸來結習存。(朱洪寅詠葉小鸞)

九十春光久不歸（何秋潭詠夏姬）暮笳聲裏亦沾衣（江干詠蔡文姬）綵鸞寫韻蘭香降（羅橙塘詠雲英）更向秋風別處飛（曹星谷詠關盼盼）

長門深鎖奈何春（朱秀岩詠韓采蘋）一棒當頭悟夙因（靳韜齋詠琴操）不許紅閨因藉口（朱洪炳詠卓文君）千秋猶憶墜樓人（汪可堂詠綠珠）

風流知遇最難忘（何秋潭詠張紅紅）密約黃昏試晚妝（靳光宸詠朱淑真）便受文人輕薄誚（靳光宸詠秦若蘭）有人無故出椒房（何瑩玉詠陰麗華）

歡場纔得與勾留（顏鑑塘詠賈愛卿）江上孤舟載客愁（黃良男詠琵琶）越子成行吳沼速（吳蒼厓詠西施）相思未得却成愁（顏鑑塘詠孫壽）

高捲湘簾出豔粧（顏鑑塘詠楚蓮香）一生心事付寒香（應璉詠梅妃）碩人詩句工描寫（靳光宸詠衛莊姜）樂府猶傳賦媚娘（袁枚詠武則天）

錦江驛路恨綿綿（顏鑑塘詠花蕊夫人）同嫁英雄美少年（袁枚詠大喬小喬）若說一年才一會（曹竹人詠織女）拂墻花影落銀蟾（江干詠崔鶯鶯）

冠 芳




冠芳小傳

夢湘閣

虬髯管與李靖紅拂期會太宗於郿肆俄而太宗至謁裴綏步神氣朗暢顧盼偉如虬髯不覺起喟曰中原固自有人非我可與爭也遂超乘去嗟乎氣與度之勝人使人汗流僵走不敢回視有如是哉冠芳金閨人故北里世家四幢大張女也嫁俞某有年忽不得于大婦下堂去至漢口張榜應徵顧不得志憐然歸於滬居小花園始名冠芳芳顧身玉立標格絕世工酬對吐溫婉使人意消羣芳聚處脂雲粉雨中芳至輒豁然心目爲之開朗三千粉黛一顧無色矣新世界倡爲花選舉北里名姝凡千餘衆衡才品藝欲矯其一以掩蓋羣芳冠領百卉蓋甚難之迨後得芳神氣邈然意度超越其凌雲獨上之致初不復可以才貌論而才貌亦未嘗後人衆論乃定使首坐焉嗟乎選色譚空文人遊戲之事其矜重也如是況於經國大謀哉世之論選舉者可以鑒矣芳齒稍長居姊妹行中能以謙抑和婉勝弗求上人而人亦無敢上之者榜出翕然無間言或曰芳已嫁復出非完璧也或曰芳初爲房侍改葉爲花出身匪正或曰芳初無赫赫名類於異軍特起資望未孚雖然青樓中果孰則爲完璧者花葉一聞耳奚有貴賤之可言將相無種則資望之說亦未可信也因爲表而出之

花 國 大 新 總 統 菊 第 氏 玉 影



好花端爲
 美人開
 寶馬香車
 薛夜來
 獨倚綠窗
 春思永
 羣芳隊裏
 不凡才
 (桐花)

盈盈暮雨
 過蓮塘
 又見仙宮
 一代香輕
 蟬翼衫輕
 珠露重
 最難消受
 是迴腸
 (野鶴)

菊第小傳

夢湘閣

新。世。界。之。始。瓶。花。選。也。極。峯。之。選。擬。議。揣。測。騰。於。治。遊。者。之。口。者。曰。笑。意。曰。鑑。冰。曰。良。錦。曰。雲。蘭。閣。初。不。知。有。菊。第。也。故。粵。督。袁。之。公。子。某。一。日。入。場。購。選。舉。票。二。萬。餘。紙。去。盡。署。菊。第。名。投。之。於。是。內。外。闐。然。知。彼。姝。者。子。固。具。大。神。通。狡。獪。者。矣。人。生。斯。世。富。貴。權。勢。可。以。忽。乎。哉。可。以。忽。乎。哉。菊。第。初。張。榜。於。津。曰。紅。菊。花。名。藉。甚。嫁。滬。人。胡。某。旋。決。然。舍。去。復。操。舊。業。其。事。人。弗。得。知。或。謂。以。家。庭。細。故。口。角。起。衅。云。居。津。日。以。度。曲。名。遐。邇。知。與。弗。知。無。不。交。稱。善。也。丁。巳。夏。今。大。總。統。河。間。公。鎮。南。都。值。誕。辰。津。沽。舊。僚。謀。所。以。爲。賀。者。集。坤。伶。樂。部。奏。技。爲。娛。菊。第。與。焉。一。曲。旣。闋。梁。塵。欲。飛。四。坐。哈。然。公。亦。騁。然。爲。盡。一。觴。也。壽。事。旣。復。返。津。會。河。水。暴。張。全。埠。盡。澤。匆。匆。南。下。賃。居。小。花。園。張。今。名。曰。菊。第。枇。杷。門。下。車。馬。盈。焉。菊。第。好。男。服。霞。頰。星。眸。具。北。方。翠。袖。之。美。度。曲。學。有。本。源。規。律。精。純。一。字。弗。苟。空。滬。上。羣。艷。無。與。匹。者。尤。深。於。情。某。公。子。旣。哂。之。甚。事。事。先。其。意。菊。第。亦。一。意。事。之。公。子。旣。購。票。歸。越。日。遽。以。暴。疾。卒。菊。第。哀。之。甚。病。發。數。日。悉。謝。客。弗。見。花。選。告。成。菊。第。名。在。第。二。得。副。總。統。是。日。羣。芳。咸。戾。獨。菊。病。不。時。至。主。者。以。汽。車。延。之。始。扶。病。蒞。焉。見。者。謂。菊。愁。黛。未。舒。蓋。猶。爲。某。公。子。故。云。

芳冠

蘭倚



鳳小陳

花務知事琴樓小影



縮◦幃◦深◦處◦
 立◦多◦時◦
 姹◦紫◦嫣◦紅◦
 第◦幾◦枝◦
 得◦記◦夜◦闌◦
 銀◦燭◦背◦
 踏◦琴◦羞◦唱◦
 定◦情◦詞◦

(燕子)

影玉氏英蓮理總務花國花



百卉含葩次第開

香樓合作百花臺

金鈴十萬春如海

願乞朱旛擁出來

(桐花)

蓮英小傳

夢湘閣

士懷才弗自展。伍駟僉下廝。養騏驎。鹽車困其汗血。一旦得所憑藉。驤首千里。若無事耳。迺知感遇。索居固爲中才。以下賦也。陳同甫曰。奇才得尺寸地。便足卓立奮發。與子有爲我子蓮英。覩之矣。蓮英。虎林產。辛亥前銜售於杭之市人。未之奇也。光復事起。省垣鼎沸。蓮英假避亂名。一舸至滬。依高三（卽蕙勳）以居。高三者。亦杭產。先蓮至滬。頗著艷稱。觸政曲課。日不暇給。得達則大喜。使爲己輔。焉顧蓮意。志高抗雅。弗欲鬱鬱人下。居久之。與高三之母忤。決然舍去。別樹幟於福祥里。始名蓮英。蓮英貌清而腴。雙波泓然。顧盼間。神采飛越。工度曲。力摹譚劉得。其近似當筵引吭珠玉。錯落高三。雅弗如也。滬之人爭睚焉。高三之客亦稍稍引去。而就英未數月。名與三埒。英性和易。婉轉親人。無世俗意。人尤高之。先是杭人顧曲客狎蓮英甚。英走滬。客亦從之。纏頭蕩盡。幾填溝壑。而英視之弗衰。顧客執紼也。終不自振後途。與英決。英語人曰。非違有所青白。眼特欲藉以懲之。使回顧而已。雖然。悠悠之口。孰則諒我者。亦可謂深於情矣。鐵沙燕子。最賞蓮英。花選既。瓶拔爲花務總理。英退然不自安。有君子之風云。